

野史

三十

第八十六卷 文臣列傳
 北畠顯泰
 第八十七卷 文臣列傳
 日野重光 正親町三條實雅
 三條西實隆 冷泉為純

和書門	
一〇〇冊	一〇三五六
一〇〇冊	一二四
一〇〇冊	九
內閣文庫	番號 和 10356
	冊數 100(30)
	函號 269 35

內閣文庫	和書類
一〇三五六號	一〇〇冊
一五架	二六九函



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





和^{共百}三^{百九十二}號

校正

野史卷八十六

飯田忠彦
修
男
文彦
訓點
竹中邦香
校



田九具忠


星合類房
木造俊康

文臣列傳第四

北畠顯泰

北畠顯泰。姓源氏。准三官親房孫。右大臣顯能子也。
親房事。南朝。爲輔翼臣。漂流于常陸。據關宗祐關

城。當是時。與謀議者。下妻正員。及中郡伊佐西明寺
等五城而已。親房寄書於結城道朝云。九牛之一毛。
百鳥之一鴉。爲先朝之一老。具蒙慇懃之顧命。又云。



今時之衆議。不異積薪於猛火之上。然遂不果其素
念云云。關城長子中納言顯家。補陸奧國司。戰死。二
子右大臣顯信。繼爲陸奧國司。在白河城。藩翰譜作
顯信從懷
其親王于征三子顯能。或曰源貞平之子。叙從四位
西而戰死下。任右近衛少將。北畠系圖
伊勢卷爲伊勢國司。治壹志郡
多藝。號多藝御所。系圖太平
記伊勢卷元元年春。從顯家率
伊賀伊勢兵。伐敵克之。五月。與父親房歸國。尋親房
參吉野。顯能時年十六。高師秋受足利尊氏命。入北
勢。將來襲。顯能曰。先則征人。乃令三鬼伊勢守阿保
大藏少輔。大宮尾張守兵二千。延元二年九月。攻矢

田城。拔之。而陣矢田磧。與師秋戰。是冬。師秋聞顯家
大軍西上。奔京師。國人多來服。興國元年夏。師秋再
侵掠北勢。國人小串。玉井。小野山等屬之。陣于波多
橫山。顯能使大宮尾張守稻生常陸介。兵三千禦備。
尾張二男範氏。與敵戰于三渡川。獲首三百餘。師秋
敗走。八月。顯能叙正四位下。轉中將。募兵徇伊賀。阿
曾宗貫。春日部高貞勇戰。一州悉平。興國二年春。脇
屋義助據美濃根尾城。乞援。顯能使尾張父子兵二
千赴救。與土岐周清房等戰于江場別所。破之。分兵
將入根尾。會堀口貞光等戰死。城已陷。途遇義助收

兵而還。三年八月。師秋率兵一萬餘入北勢。工藤藤房屬之。將侵安濃郡。顯能使尾張宗貫等兵三千。攻藤房於長野城。師秋後援。尾張子兵部少輔。及兵二千餘人死之。軍敗歸。師秋乘勢管領桑名鈴鹿安濃員辨。爭戰歷月。興國六年。親房棄關城而歸。入多藝。遣人誘雲林院出羽守。細野掃部助降之。明年三月。尾張宗貫率兵三千。攻長野城。藤房部下矢部實俊反。導雲林院細野兵。終拔長野城。藤房禦死。其子豐房奔京師。憑仁木賴章。九月。師秋攻長野城。尾張掃部復援之。正平元年正月。夜擊敵陣卻之。二年春。顯

能使尾張徇志摩。九鬼鳥羽等皆降。是夏。師秋復攻長野。顯能復援擊走之。九月。遣尾張結城右馬助等兵三千徇肥州。熊野本宮別當了堪。山本判官等來服。與那智新宮兵戰。克之。三年正月。聞賊襲行宮。率兵抵和州橘寺。望行營已舉火。悔怒。縱火邑里。將進擊敵。高貞諫止。候賀名生皇居而歸國。輸匠材造皇居。天皇賞陞顯能從三位。五年秋。師秋攻長野城。顯能後援。與對抗龍泉寺久保草生。是夜。尾張擇兵縱火於敵陣。內外夾擊。斬獲頗多。師秋僅與二騎。棄馬奔矢田城。顯能進圍城。國人憎師直一族暴橫。

來服者多。六年正月。師秋出城奔江。過鈴鹿嶺。國司
下人松坂九郎禽之。送多藝寸斬焉。是年。顯能任右
衛門督。兼檢非違使別當。伊勢卷七年二月。天皇幸
住吉。顯能率右近衛少將源持定。中院中務大輔家房。
及阿曾宗貫。雲林院。狩谷秀元。田山。村岡等兵三千。
從入幡。天皇入田中法印定滿坊。構關於赤井大
渡。伊勢國人及和田正忠。楠正儀。和河泉紀兵八千。
充滿山上山址。足利義詮憑法勝寺惠鎮。陳謝。諸軍
懈備。二十四日。顯能兵及和田。楠分作二隊。從鳥羽
噉東寺西七條入京師。細川業氏拒戰于七條大宮。

破北走。和田。楠與細川賴春戰。賴春死。遂復京師。伊勢
卷太平記義詮奔江州。春日部高貞拒之。勢多橋。義
詮歷湖路。走四十九院。顯能奉勅幽崇光院於賀
名生。伊勢卷從親房入京師。參決諸務。國史畧尋顯
能率兵三千。攻四十九院。義詮不能拒。奔美濃。伊勢
叙從二位。任中納言。伊勢卷○日本史引吉野拾遺作先
是任。顯能以超越兄顯信。固辭不聽。乃就叙任顯信。
同官位。未幾。義詮率參遠尾濃江越兵。次觀音寺。顯
能與近衛少將未詳源具忠。持定等。陣于野路篠原。
聞敵自伊抵伐。舟渡堅田。乃退陣于大津。敵又歷叡

山西坂入京師。顯能退守淀赤井及守堂口。四月。義詮犯行宮。顯能防戰園殿口。敵火高橋民屋。烟焰四蔽。據山上防戰。五月。糧盡。士卒離叛。紀人湯淺莊司降于敵。天皇歷大和路而南行。寇阻支前後。戰死者三百人。大納言藤原隆資死之。顯能奉天皇到招提寺。經三輪。還幸吉野。顯能還國。仁木義長請伊勢守護。以工藤豐房爲鄉導。使入伊勢。先是大宮尾張守拒戰長野。城主雲林院出羽守從軍入幡。留後兵聞官軍失利。竊降義長。迎入長野城。伊勢卷尾張怒攻長野。而不克。伊勢卷、日本史義長率兵攻多藝。拒擊卻之。

尋顯能募兵。欲攻長野城。會患疫。且郡國洪水。士民困餓而罷。十年夏。六角入道宗永經信樂越而入伊賀。河上將監山本丹後入道等降之。春日部高貞禦戰。中矢而死。軍遂敗散。顯能使尾張入道道朝。阿曾宗貫等兵三千。拒戰于大古曾井田山。大宮範氏奮戰。終擊卻之。獲首四百餘級。宗永僅脫走。道朝進攻河上山本等。皆走之。顯能執奏叙任範氏從五位上尾張守。授高貞遺邑於其子彌太郎高宗。副天花寺源藏人秋山右京亮爲伊賀國目代。十五年。義詮及畠山國清率師二十萬襲行宮。顯能率兵三千陣于

和伊國境分兵斷敵糧路。義詮等引入京師。顯能徇和州而還。仁木義長以長野城而降。土岐六角等攻之道朝。範氏率兵救義長。迨十九年二月。義長終屈。乞降于敵。國司軍復與義長戰。二十一年。義長棄城終奔京師。是年九月。顯能叙正二位。十一月。任大納言。兼右近衛大將。伊勢卷、伊勢卷、○南朝補任作十六年、左近大將、二十二、平一揆。關盛弘率其族神戶盛遠等來降。盡予舊邑。二十三年二月。任內大臣。補任作二十二年、十四年九月。土岐賴康受義詮命。侵入勢州。顯能使子顯泰及大宮範氏阿曾入道等拒戰于刑部。克之。

築砦於三重郡。爲之備。所謂小村丹後守守櫻村。矢田藏人入道守山田。諏訪十郎守楠山。志村左衛門尉守曾井。石河右馬大夫守秀澤。川島官內少輔守小山田。有山主馬助守川尻城。權中納言源顯經。于爲總督。據禪林寺城。管三重郡。建德元年。特勅顯能補淳和芽學兩院別當。氏長者。二月。命春日部高宗。平于江州田上山。徇郡邑。至野路篠原。與六角宗永戰克之。伊勢卷、伊勢卷、二年六月。顯泰與土岐世保戰。取安濃郡。南方傳、文中元年三月。仁木族入勢州。構朝明郡水無瀨山寨。南部賴勝黨之。據大矢智城。國人朝倉

下總守。見永七郎率兵攻之。不克而還。仁木南部合兵。圍茂福城。顯能遣大宮入道父子。陣于乘坂山。射敵。敵敗走。賴勝等多戰死。伊勢卷。十二月。進從一位。任右大臣。補任伊勢卷。天授元年。爲皇太子傅。補任弘和三年七月。薨。補任伊勢卷。○日本顯泰伊勢卷。先歷左近衛少將中將。天授二年。叙正三位。任權中納言兼左衛門尉。顯能薨。襲國司。撫綏伊勢。伊賀。志摩三州。弟顯俊居木造。弘和四年。進從二位。元中六年。轉權大納言。七年。兼右近衛大將。陞正二位。補任。率兵歷伊賀路。略和州宇多。明德四年。後龜山帝禪位。顯能

使大宮範氏上諫。奏弗聽。南廷公卿百司來倚賴顯泰。大將軍義滿使右大臣源具通我久來調和成。顯泰初弗聽。後小松帝及義滿送盟書以固約。於是始服武家。謁義滿。全有伊勢及和州宇多郡。武家譜作宇多吉野郡。伊州名張郡。志州英虞郡。據田丸。在藝郡。大河內。坂內。今在飯三處。後又鎮波瀨。岩內。藤方。共在一三處。殘太平記。勢州四家記。○今按北畠氏封邑。是歲。顯諸書不同。始從武家譜。藩翰譜。南方記。傳。是歲。顯泰命中務大輔兼顯。顯能家人食邑。如元弘以來故。勅宣及國書如舊。是時一族俊通仕北朝。關一族附屬幕府云。記傳。伊勢國四氏分據。北畠氏領南五郡。工

藤。關及國人諸氏有北八郡。北畠氏與工藤戰。工藤與關氏。關氏與北方。諸家爭戰不熄。四家記。

○所謂北方國人千種宇野部後藤。赤垣。阿久良川。柏。濱田。敷古等諸氏有三重郡。稻生氏有菴藝郡。山口氏有朝明郡。據茂福城。羽津。木俣二氏。及柿城主貫木氏分據之。上木。栗田。二氏有員辨郡。都四十八氏云。赤堀。濱田。羽津元一族。田原忠廣之後也。羽津六世右京助與山口二郎四郎為姻族。元龜三年六月。託享迎殺之。羽津遺族據城接戰。阿久良川者。平貞盛之後。館太郎貞治裔也。天

正元年四月。濱田氏士隊長丹羽。黑田。伊達。中島等。率兵將攻阿久良川。城主薩摩守貞清傳令。二男兵庫。三男貞隆率兵迎戰于城南小住。濱田士卒死傷者多。貞隆暴勇。追躡過度。貞清望見發援。貞隆果遇伏于菰野。中途中銃死。國司氏威震于近國。東及志州。南至和州吉野郡。紀州熊野黨屬之。西至伊州。伊賀。名張二郡士漸歸服。今姑據勢州西家記。附以按考。

明年。義滿詣皇太神宮。入多藝。相見約顯康子親能為猶子。授一字。携顯俊子俊康而歸京師。記傳。伊勢卷。伊應



永六年。大內義弘反。據界浦。義滿帥師陣于八幡。十一月。諸軍攻義弘于界浦。顯康又率騎兵與之戰。子滿康死之。隊伍敗。顯康遁東野。聚散卒。會有送葬者。顯康就其墳。取食遺奠。以天蓋為旌標。反戰。遂得大利。義滿賞功。予江州甲賀郡。爾後用天蓋為旌標。武家譜九年十月。薨。六年傳。○或作應仁三年。又法名弘覺。常敬。號室樹院。北畠舊記。○伊勢卷。子滿康。顯雅。滿雅。俊康。滿康。按今國史實錄作顯本名親能。叙從五位下。大將軍義滿授一字。改名滿康。記傳。任左近衛少將。從父于界浦戰死之。記傳。武顯雅居飯高郡。

大河內。舊記。任左近衛中將。累系。永享元年。乞和于幕府。實錄。大將軍義教以土岐持賴為伊勢守護。實錄。顯雅在大河內城。令教具保多氣城。間忤幕府命。至永享十二年。土岐持賴戾府命。義教使細川持常伐滅之。先是顯雅猶竭力於南朝。子立天下。稍畏服幕府。義教又知不可以力抗。令人勸降。顯雅終諾。義教大喜。復其官封。富隆記。嘉吉元年八月。陞從三位。補任。九月。剔髮。補任。法名常桂。舊記。子親文。雅俊。雅俊稱族坂內。親文本名親鄉。實教具二男。襲大河內城。文明三年。叙爵。更名。歷名。土代作進。從四位下。任左近衛中



將無子。養政具二男親忠為嗣。親忠又至左近衛少將兵部少輔。無子。弟秀長嗣。秀長改名賴房。至權中納言。傳在後。俊康繼木造氏。

滿雅。官左近衛中將。藩翰譜義滿授一字。系圖應永九年。父薨。繼封。傳記二十一年九月。滿雅。滿泰。今從日本

史記憤小倉皇子不受禪。募兵干勢伊志三州及和

州。宇多郡關實治。神戶。峰。鹿伏兔。國府氏族等皆應

之。支族俊康獨不應焉。實祿記傳二十二年春。使雅

俊率船江。波瀨。岩田。大淀等兵八千餘。攻坂內城。時

俊康在京師。留後兵不能禦。遂拔之。自據阿射賀城。

使雅俊守木造。顯雅守大河內城。關神戶黨守津野

城。其他田丸等諸城皆置戍。記傳南山滿雅預議。以

阿曾民部少輔。逸見加賀。率兵三千為先鋒。將入京

師。伊勢卷大將軍義持。命土岐持益。木造俊康為將師。

遣世保康政。仁木滿長。細川義之。六角滿高等。江濃

尾丹等兵五萬餘人。拔津野城。而攻木造城。雅俊相

戰不屈。會城中有內應者。俊康兵乘城墻。雅俊去保

坂內城。俊康復居城。四月。敵圍阿射賀城。滿雅據險

守備。且分遣垂水。鳥屋。方穗等。于岩田川。雲出川。拒

之。阿射賀城懸絕。敵每攻不利。滿雅與天華寺兵謀

合。屢出夜擊。曉襲。持益運策。斷水路。城中苦渴。滿雅命士卒。用白米洗馬。視敵。敵遠望。驚以爲水。後稱其城曰白米城。記傳。勢陽軍記。八月。講和收兵。記傳。南山巡狩餘論。作九月相約。以南帝太子重而可即位。講和收兵。正長元年七月。小倉皇子竊出。嗟峨。抵伊勢。憑滿雅。謀復南統。滿雅應旨。舉兵攻畧近國。椿葉記。

○伊勢卷云。滿雅募兵於三州。將決雌雄。俄發病。終不起。遺囑曰。本支併心起兵。宜奉南方皇統。滿雅二男顯雅。木造少將持康。守遺訓。舉兵。

永享元年。滿雅築寨於袖岡山。而保焉。土岐正賴通

謀來入寨。土岐舟本系圖。巡狩錄。七月。越智十市。久世。疑布。萬年願誤。等出吉野。舉兵于諸處。畠山持國率兵擊之。越智等終敗北。櫻雲記。津川記。九月。大將軍義教聞滿雅舉兵。使仁木持長。一色義貫。世保持賴等兵六萬。踰鈴鹿嶺。入勢州。滿雅據多藝。使子教具。及長野周防守。雲林院左馬助等兵萬五千。禦戰于雲出川。斬獲一千餘。終擊卻之。赤松滿祐。山名持豐等兵二萬餘。俱來擊。周防禦死。軍敗。滿雅自率兵。與持賴戰破之。持長及六角迎戰。又破。衆追擊。赤松。山名兵橫衝。塞兵三百餘死。伊勢卷。滿雅與持賴戰于岩田。軍敗。椿葉接

野
越
十一
二

記紀傳並云滿賴與持賴戰于岩田敗死持賴送首
于京師梟之四塚而諸書不載之北島舊記亦無所
載○伊勢卷云是時滿雅收兵迄皇子遂乞成歸居
明年夏拒戰永享十二年病死皇子遂乞成歸居
嵯峨巡狩錄記永享十二年七月薨年六十四法名祐
山常滿號長福寺舊記伊勢滿雅學文於土岐正賴
正賴一日謂曰敵者在我不在人苟志厚者知其本
勿疑惑時滿雅歲十八作歌答曰遍天天奈幾許許
呂波多滿乃巨登久仁天得止能那伎爾波和禮珥
氏幾奈之舟圖子教具顯雄北島舊記或作因所居
稱族唐橋有子房雄稱小原次親雄稱岩內次房勝
次房信稱田村並有子孫舊記房雄六世國永本名國

範任左近衛權少將叙從五位上永祿十年出家法
名桂祐時六十歲舊記十二年國中動亂子具就保上
野一鄉拒戰為詠衆怨悉退散歌曰登那布南里許
惠止曾那可須加斐安利天阿多乎伐波也久知里
知里珥奈勢迄十月敵遂引去年代和歌抄
教具或作親受大將軍義教一字年十九歲代補伊勢
國司傳記任參議右近衛中將補任享德元年正月陞從
三位三月辭官爵就國補任傳二年進正三位是歲招
專順設聯歌會于長谷寺傳記歷權中納言至從二位
權大納言補任舊記寬正三年畠山義就背幕府據金胎

野史 卷八十六 十二

寺城。教具本書作募兵赴討之。土岐光賴爲先鋒。薄前門。安保某繼之。系舟本圖應仁元年。足利義視在室町第。迄八月。流言起。將入勝元第。京極持清被官多賀高忠支悟之。令一色種村入道糾問之。不果。二十三日。遂出花亭。而入教具中山陣。歷蛸藥師圖師。將到一條。途過富小路釘貫門。富樫鶴童丸兵固之。教具時著烏帽子直垂。徐曰。三條內府疾病。在東山。今有事。赴今出川殿。門者恠之曰。失鑰。教具嘗設合鑰。乃開鎖而過。歷近江磯抵坂本。從者一色入道。畠山式部少輔。及教具弟心性院。高倉兵衛尉。同朋西阿彌

等也。乘舸著山田浦。歷伊勢路。九月。入常光寺。二年六月。教具受幕府命。伐世保政康。陣于栗真莊白子。攻世保本城。箕田林碕。楠原等云。四家記。文明三年三月。薨。年四十九。補任親長記。法名興運。常感。號金剛寶寺。舊記。子政鄉。次房鄉。繼坂內。次親鄉。繼大河內。季政能。叙從五位下。任侍從。舊記。政鄉。本名政具。大將軍義政授一字。至從四位上。右近衛權中將。補任土代武家譜。長享二年九月。先是山田人置兵於岡本。斷詣皇太神宮者。且禁入宇治者。宇治人以訟。政鄉開諭之。不從。榎倉氏則爲魁首。文明十

九年冬。塞內宮通路。宇治人食竭。來訴之。十二月。政鄉遣兵。縱火於山田。氏則與其黨。據外宮。神而自殺。政鄉援宇治。山田人民怒之。是歲六月。與濱七鄉三箇鄉。神部。七鄉。上智。白木等土人。蜂起攻宇治。大戰于河原。縱火於諸處。犯入神殿。殺傷宮牆中。至是逃走者稍復居。以行祭祀云。內外兩宮兵亂記。○雜文二年。○背書國志係天文二十年。又。覆倉氏則作村上掃部助。二十永正五年。削髮。十月。卒。年六十歲。法名心祖。先天。號高德院。舊記。土有六子。長材親嗣。次親忠。繼大河內氏。至左近衛中將正四位下。大永六年。剃髮。武家譜。次賴房。爲兄親忠

嗣。次具盛。爲神戶氏嗣。次具忠。稱族田丸。後有傳。季孝俊。爲僧。

材親。本名具方。長享三年。大將軍義材授一字。改今名。系圖。永正三年。任權中納言。叙從三位。拾芥記。後至權

大納言正三位。八年薨。五月。薨。年四十四。系圖。補任。○武家譜。作永正十年。薨。法名無外逸方。號淨眼寺。舊記。子晴具。

具祐。具祐爲坂內親文嗣。晴具。本名具國。又親平。大將軍義晴授一字。歷官至

參議。從四位下。補任。土代。晴具承父後。威武不衰。藩譜。遣

木造具康。藤方某。攻工藤氏于細野城。戰于田上。乙

部等。時長野輝伯勇而智。屬工藤氏。出兵於南方。澤秋山。鳥屋尾。水谷等。陣于垂見。鷺山。與工藤。長野戰而不利。奧山兼惟出小森上野城力戰。分部細野等隸之。一日戰七合。鳥屋尾具弘。水谷某。河村政村。家城之清等拒戰。擊卻之。是曰鷺山合戰。勢陽軍記、武家譜、天文五年薙髮。法名天祐。或舊記、土代補任、永祿六年、晴具威武稍震。遣兵伐鳥羽城主下之。小濱。安樂。島浦。的屋。相差國府。甲賀。波切。濱島。和具。越賀等。志摩國人皆來服。大和吉野。宇智郡又服。紀伊熊野。新宮。尾鷲。十津川黨。伊賀名張。阿賀兩郡皆靡服。勢陽軍記、印、天文中。

田丸家人池山伊賀守與山岡黨反。襲其主具忠。具忠自刃。晴具怒。自將兵攻山岡黨于山上城。殲之。令具忠子具安襲田丸氏。勢陽軍記、家譜、弘治元年十二月。飯高郡人豐田五郎右衛門與野呂三郎。募羣不逞作亂。據齋官壘。南方將士赴擊之。豐田族據智積寺壘。進攻獲五郎餘黨平。勢陽軍記、永祿六年九月。薨。年六十一。系圖補任、土代、法名心月。號義照院。舊記、子具教。具親。具政。具政爲木造氏嗣。具親初爲僧。居南都東門院。天正四年。具親亡。犇伊賀。還俗稱左衛門佐。徙南伊勢。唱興復。舊好士奔附者多。構寨于小山戶。多氣谷。河股

谷大杉小目等威頗張。信雄使雄利堅成等攻小山戶下之。日置大膳攻河股。土人修阿伽桶。九曲等寨拒禦。大膳擊取河股。勢州兵亂事四家記具親據森城。兵家茶話五年。信雄置森清十郎于三瀬。日置大膳于河股。城戶內藏助于坂內。而漸迫森城。大膳弟次太夫攻阿伽桶。九曲。本田城拔之。船江三森等兵加之。攻嶺城。嶺某自殺。捕其弟及田引莊家清。乙栗栖森義等。家城之清棄壘走死。舊記四家記又攻鳥屋尾右近將監于宮永城拔之。四家記具親力撓。棄城奔安藝。依毛利輝元。兵亂事茶話十年。迄右府信長遇弒。信孝謀起

兵。十二月。潛歸國聚兵。安保直親弟岸江大炊介。稻生雅樂助等數百人。據五箇莊篠山城。應之。縱火使掠近邑。印本軍記。○茶話。川村家傳。係十一月。信雄使津川義冬。田丸具安。日置大膳等攻篠山。直親等固拒。兩日夜。遂不能支。具親又棄城奔伊賀。餘眾弭散。兵亂事。茶話。十二年。羽柴秀吉封蒲生氏鄉於松島。令具安等悉隸之。幽具親于蒲生氏。茶話。川村家傳。十四年六月。歿。舊記。○北島一族法名帳。戰死。于伊賀。正月。具教襲封。累遷至權中納言正三位。公卿補任。○武家補任。正二位。初顯能為伊勢國司以來。子孫繁衍。世襲其任。乘世

亂頗封殖焉。及具教嗣立。庸劣威望不振。永祿初年。北勢工藤氏不服。具教率兵徇北郡。和人澤秋山氏迭有隙。秋山入道宗丹子藤二郎。爲三好氏女婿。頗強悍。忤具教命。具教轉兵入大和。攻神樂岡城。磯田彥右衛門。安保直親。迭爭先登。遂下之。宗丹出爲質。幽之大內山。本勢陽軍記、印九年三月。三好黨歷大和。將侵入伊勢。具教構寨於數處。爲之備。國人或內應。敵。本田親康族平八郎。又通敵。具教怒。殺其弟。會三好兵與佐佐木氏戰。敗去。勢陽軍記十年春。織田信長使瀧川一益伐北勢。一益兵入桑名。國人上木。木俣。持

福等降之。八月。信長軍桑名。伐南郡。拔萱生楠等城。攻山路種常于神戸高岡城。而當議攻伐。四家記、殘太平記十二月。具教修館於飯高郡細頭。又築補大河內。使于信孝居焉。北國太平記、○按實錄四家記並十一年二月。信長再攻神戸城。而千草。宇野。赤堀等多降之。圍高岡城。神戸友盛乞降于信長。四家記、殘太平記時信意年尚弱。木造雄利。初爲僧。好武。見本宗寢衰。勸兄具康及家長柘植堅成。謀作亂。竊通信長裨將一益。一益以告信長。信長時之。十二年正月。以具康雄利。爲鄉導。發兵縱火於南勢。侵伐郡縣。織田家譜、日置



大膳自焚細頭。入大河內城。印本勢八月。信長自帥師抵桑名。織田家譜具教命將士守備。以大河內城爲根據。廣坂。龍華菴。虺谷及七尾。七谷置備。使長野具成守。多藝。波瀨具利。本田親康守船江。橫山如忠守今德山。岩內光安。六多比兵部少輔守入田。太閤記作田丸具安守田丸。天華寺廣高守曾原。藤方具俊守小森。藤方將監守上野。大宮入道含忍守淺香城。步騎合萬五千。防禦嚴備。殘太平記信長使雄利。堅成爲鄉導以先鋒。備小森上野。而入木造城。使秀吉一益攻淺香城。含忍及其子吉竹。或作景連拒戰。吉

竹爲射中秀吉左腋。殺寡叵敵。城遂陷。兵亂事殘信長分兵攻諸城。阿濃津等城壘悉陷。逸史殘諸屬下皆聚於大河內城。殘太平記初具教在多氣。迄軍起。移大河內城。至是信長前圍大河內城。兵亂事池田信輝。丹羽長秀。稻葉長通等。宵襲後門龍華菴口。兵亂事日置大膳。安保直親等拒擊卻之。兵亂事此戰。信輝又攻廣坂口。大膳家城之清接槍禦之。兵亂事城兵或出擊敵于虺谷。兵亂事九月。親康出兵數百人。夜斫氏家卜全丹生寺陣。獲首三十六級。四家記尋親康棄船江城。入大河內城。殘太平記圍城歷日。敵兵一人靠

桂瀨山松樹。向城罵詈。城中惡之。擢和人秋山部下善射者猪木野瀨三郎。相距四五町。縱射洞敵于松樹。信長嘉其技。附書及資於其箭射送焉。拾遺、雜十月。信長使一益焚郭取禾。鳥屋尾具弘嘗量糧食。嚴令諸軍具教父子。與士卒均食。信長頗屈。兵亂使堅成約書於矢。射以還之城中。勸講和。且使織田忠寬入城諭之。具教令朴木隼人佐會之行成。請養信長一子信雄。配以女。許之。信長下令。悉撤堡郭。毀關。殘太兵亂是月。信長使忠寬巡察城南檢郡邑。稻生正義為鄉導。天華寺廣高據曾原城拒之。天華寺廣高由緣記、射殺

正義而拒禦。家城之清又據之。信長及具教兵攻之。潮田長助等據四五百森協守。迄元龜初年皆潰。兵亂事四十一月。具教命礫柘植堅成質子于雲津川。武家事記。四家記。作是年五月。○落穗集。作是春正月。信長縱火于南勢之後云。十二月。退居三瀨城。太閤記、落穗集、○印本勢陽三瀨谷在官川上。大杉山聳立。與熊野十津川。吉野川上連續。嶮岨不易攀。具教豫設計策。欲避難于此云。印本勢陽元龜元年五月。削髮。補任、舊記、號不智齋。舊記、印本軍記、三年冬武田信玄味方原之捷。次刑部。具教使鳥屋尾具弘送盟書曰。倘有事於天下。請以舟軍為援矣。四家記、印本軍記、天

正三年。遵約迎入養子信雄于大河內城立之。令信意避居田丸。國人稱三瀬曰大御所。稱大河內曰本御所。田丸曰中御所。武家譜、藩翰譜、

○勢州四家記云。信雄入田丸城。具教更城三瀬。豫設迷路。以鳥屋尾具弘爲信雄傅。具教初娶六角義賢女。而生信意。信意爲人肢體肥膚。人稱肥滿御所。具教疎斥不愛。且偏於信長。而授國於信雄。心不能平。欲憑武田氏。以其師除信雄。謀議頗泄。藩翰譜、逸史、四年正月。具教使具弘往岐阜。贈物拜年。信長不出。具弘待之久。憤其無禮。將去歸。信長

把眉尖刀出。擲贈物于庭。睨使者而入。不接一言。具弘退曰。我君終不免。印本軍記、實錄、是夏。度會郡人赤羽親元屬信雄。請襲熊野。覓隊長。信雄使加藤甚五郎赴之。堀內氏善據新宮城。募新宮。小知瀬。九鬼黨起。攻三鬼城。甚五失利而走。保長島城。敵追躡。將圍長島。國人起爲長島後援。親元應反。長島受圍數日。城遂陷。藤方慶由孫年弱。或執之。憐其少。送來。慶由弗懌曰。子何面喪我武乎。恐世人謂具教誘致熊野。一揆云。具教悔以信雄爲嗣。稍與不和。所從亦各生隙。一日信雄侍童執小鳥於士邸。士人怒搏辱遣歸。信雄

志。以告信長。信長乃令織田忠寬傳命云。盪擊三瀨入道父子三人。坂內父子。信雄加大河內教通。將殺六人。大野佐左衛門與柘植堅成。耳語于田丸門外。一婢聞之側。以報焉。印本勢陽軍記十月。具教養病。在內山里。侍衛不多。雄利。堅成等狙其隙。使藤方具俊。長野左京爲先驅。十一月二十五日。黎明越館後之隍。急來襲。有元作者。早起開戶拜朝。嗽。觀左京被甲執槍。將跳入。遽以告之。具教起試劍。劍折。試眉尖刀。又然。遂挾所折尖刀出戰。奮銳巨敵。寇三百餘人辟易不前。雄利等在後勵士卒。具教薙倒十九人。上樓自殺。

兵亂事舊記。武家譜。從者縱火。或死或走。武家譜。具教時年四十九。法名心祖不智。號寂光院。

○印本勢陽軍記云。初信雄使藤方具俊。橫山知忠爲刺客。赴三瀨。具俊令家人加留左京進伐之。各豫約加采邑。予印章。知忠中途翻忠。稱疾而去。又云。長野加留等爲刺客。入三瀨。時具教坐爐側。被衾持愛小兒。家人佐佐木四郎左衛門入告急。具教令乳媪懷二兒去。更坐引見。長野進把坐右手槍刺具教。具教嘗熟兵法。將抽刀。刀鈍。長野將戕。具教忤視叱曰。予嘗察子黑心。言未終。加留戕。

之併殺二兒。

具教嘗學劍法於塚原卜傳。卜傳臨死。誠其子彥四郎曰。我奧旨唯授一人。嘗傳之伊勢國司。汝宜到受之。而歿。彥四郎來請曰。願試擊劍。具教不識其奸計。輒視其密技云。印本。系圖。具教族父政成爲多氣城代。日置兄弟。長野左京等攻之。政成及族賴定。成時。重光。具通等皆戰死。一族田村具清。波瀨具利。宮內元安等。支屬從類多所殺。舊記。藤方入道慶由。悔歎其子具俊不義。自投水而死。兵亂事。四家記。北畠十三族皆滅。存者木造。田丸氏。發太平。舊記。長子信意。

○北畠舊記云。具教納六角定賴女。生長子具房。

具房天文十六年生。至左近衛中將從四位上。天

正四年。幽河內。薙髮。八年卒。法名松壑林公。

次具成。系圖。作定。俊。○國史實錄。今從舊記。弘治末。具教伐平南

勢及北郡。時工藤藤定不服。結兵連年。和成。藤定亡

子。養具成爲嗣。居細野城。稱長野二郎。實錄。系圖。及具教

之滅。爲分部。河北等所攻自殺。系圖。次教成。稱式部少

輔。按法名依親。或作親誠。與具成死。系圖。勢陽軍記。次龜松丸。次德松

丸。並與父同所殺。舊記。木造記。

○勢州兵亂事。及四家記並云。具教之亡。信雄託

享招具成。親成。及具教女婿坂內具義三人。令土
方雄久。立木久內爲刺客。皆殺焉。大河內教通會
病。柘植堅成。小川久兵衛入誑曰。訪病于田丸。遂
殺之。又殺具義。父具房入道萬輔于田丸。幽信意
于長島。特宥田丸具安。○殘太平記云。具成親成
在田丸城。雄久堅成等來襲。拒戰死。○印本勢陽
軍記云。大河內教通嘗修法。適臥病于田丸。刺客
來訪。家人高木彌市右衛門在側。客乞茶。彌市起。
座客進執教通。教通翻身而走。客追刺之。侍童二
人喫食。見變驚走。家人亦皆脫走。世諺嘲大河內

家人云。韃豆。蓋搏則飛之意也。坂內入道萬輔在
田丸第。刺客二人來。萬輔聞變。促家人欲捍禦。客
勸家人反。家人遂弑萬輔。送其首。諺云。大豆言擊
而出之意也。

信意。又名信雅。或云具成。初叙從五位下。任侍從。天正三
年。進正五位下。左近衛中將。系圖。土代。是冬。信長令信意
老。遷信雄于田丸城。父具教之亡。信雄以有父子之
稱。不忍加殺。幽信意于長島。使瀧川一益扶持焉。印本
軍記。殘後見放。漂流于河內尾張。遂入京師。得仕朝
太平記。或昵近關白秀吉。列聯歌會。或詠和歌曰。宇禮
實錄。

之左乃阿梨止也。比登迺於母布羅武。于伎遠于伎止毛。那介可禮奴美波。遂卒于京師。葬廬山寺。鹽尻權中納言中院通勝二男親顯嗣。舊記親顯具按補任作慶長八年生。鹽尻事至參議。左近衛中將正四位下。寬永七年八月薨。年二十八。補任廬山寺過去帳亡嗣。大河內賴房。本名親泰。又改秀長。任侍從。式部大輔。遠江守。舊記武家譜。歷從三位參議。兼備前權守。至權中納言正三位。補任舊記。永正中。修星合館而居之。稱族星合。國司材親。每令賴房督軍。授天蓋馬標。采邑伊賀甲賀兵屬之。臨軍有功。大永六年。繼兄親忠。徙大河

內城。武家譜。天文二十四年十一月。薨。年四十八。舊記補任。子具良。元龜三年。叙爵。任左近衛少將。明年。轉中將。舊記。星合具祐。本名具房。又具種。為坂內親文嗣。大永二年。叙爵。明年。任侍從。舊記。兼長門守。武家譜。六年。繼賴房。遷居星合。叙從四位下。至參議。土代家譜。天文十七年。出家。號天祐。又天全。或作天翁。元龜三年十一月。卒。舊記武家譜。五子。長教房。稱又十郎。任侍從。為星合城主。次教賢。治部大輔。次藤忠。次藤勝。次藤元。教賢以下。皆稱族堀口。武家譜。具祐養教賢子具泰為子。

○北畠舊記云。具祐子具信。本名具定。天文三年叙爵。至左近衛中將。從四位下。次具義。稱兵庫頭。○或說云。新田義顯嫡子居越前堀江。二男居本莊。義顯四世孫堀江某。初移伊勢。仕大河內親鄉。某孫堀江義藤女嫁參議具種。產教房。教賢。教賢任右近衛少將。兼治部大輔。國司氏。稱族堀江。慶長十四年四月卒。

具泰。母具教女也。小字龜壽丸。稱族星合。字勝藏。教房卒。而為星合城主。元龜三年。併有大河內。及具教之亡。脫難匿吉野。天正十三年。如尾張。仕信雄。文祿

四年。以太閤秀吉命。為參議。秀雄老臣。改稱采女正。

賜河內田。萬願寺二百石。後事東照宮。賜錄三千石。

武家譜。寬永十六年卒。年七十三。法名裡翁英典。號星

合院。武家譜大寺墓碑。子充鄉嗣。仕幕府。

慶寶尼。四家記。星合左衛門尉女也。年十六。嫁某氏。

能事舅姑。明年。夫病。湯藥自嘗。衣不解帶。夫死。遂祝

髮為尼。貞烈守節。老益固。鄉黨敬愛之。每其夫諱辰。

皆送供養。天正十二年四月。瀧川雄利。日置大膳等

聚兵據松島。秀吉遣諸將來攻。圍之者四旬餘。城中

食盡。尼憐之。自抵敵營。請曰。主兵者我亡夫之主。願

野史 卷八十六

使主及同僚免兵及飢餓之苦。懇款再三。秀吉憐其志解圍。四家記、列女傳、

田丸具忠。或說云、具忠父曰、居田丸城。田丸或稱族

田丸。天文二十二年。任左近衛中將。明年叙從四位

下。稱彈正少弼。土代、居一瀬。號一瀬御所。舊記、為家人

池山。山岡等遇弑。武陽軍記、子具安。兵家茶話作、

外石印餘史、關原大全、御浴殿上日記、乃父名也、諸家

系圖、勢州系記、作具直、御浴殿上日記、作具勝、今從

北島、永祿九年四月。任侍從。御湯殿至右近衛中將。

從四位下。中務大輔。武家譜、十二年。據大河內城。拒

信長。茶話、天正三年。徙居岩手城。茶話、印本、具教亡而

流離。娶蒲生氏鄉妹。茶話、蒲生軍記、十二年。及氏鄉受封于

松島。具安等以姻戚附屬焉。茶話、川村家譜、十八年。從氏鄉

于陸奥。居須賀川城。食邑三萬石。茶話、軍記、十九年。夏。九

戶政實叛。據糟部城。七月。氏鄉受關白秀吉命。發會

津。具安從役。襲政實子城根。曾利寨。八月二十一日。

賊出寨而戰。具忠等力戰克之。遂奪其寨。茶話、川村家傳、

是歲。氏鄉加封。具安又因秀吉命。移三春城。舊記、守山城、

食五萬五千石。關原戰記、會津舊事雜考、慶長三年。氏鄉子秀行

削封。徙宇都宮城。具安直仕秀吉。徙岩村城。美濃、食三

萬石。遠山記、舊事雜考、五年。具安從東照官小山。及上國變

野史 卷八十六

起。請歸城。黨三成遠山友政率兵來圍岩村城。十月九日。具安剃髮致城而出。遠山記、關原軍記

○紳書云。具安欲從于小山。到輕井澤。三成飛檄至。依違不決兩日。終決歸上。據岩村霧城。台德公使人備之。而西上。十月十一日。出城遁。朝熊謝罪。弗聽。遂所流。○大三川志引關原軍記大全云。具安本書作庚子秋。自小山赴大坂。使從父弟早水俱行守岩村城。俱行聞近郡諸將屬東師者來攻岩村。急構高山土岐砦為之備。妻木領主雅樂助者屬東師。出兵縱火於近邑。俱行懼而不出。丹羽

氏次遣兵二百援雅樂。雅樂父傳兵衛入道傳入。又出屯岩村近邑。八月十二日。俱行收土人質子。欲燬妻木采邑。發兵三百到池田。多治見傳八父子及援兵掩擊之。兵敗。遺質而歸。○遠山記云。或云。具女在大坂。田丸主水守岩村城。妻木雅樂助。遠山勘右衛門。初田助右衛門等來攻。迨關原軍敗。主水致城而去。

及亂平。滅死一等。配流于越後。茶話、基業、更名鄰松。基業、七年舊事雜考、五月。遇赦。託子兵太郎於蒲生秀行。往會津。館于實相寺。其徒鹿川三四郎。向井角兵衛等。

七十餘人來屬焉。舊事、雜考、子某。字兵太郎。改左京。慶長七年。遇赦。來會津。憑蒲生氏。未幾病死。茶話、川村家譜、

○北畠舊記云。具安有四子。長某。稱兵部大輔。越中守。隸堀氏。次某。稱左京大夫。兵庫頭。仕秀吉。後

屬前田氏。次某。初字兵太郎。稱宮內少輔。後左京亮。隸堀氏。季某。稱主膳正。仕蒲生氏于松島。

木造俊康。本名俊泰。權大納言顯俊嗣子。北畠舊記作從三位

俊通世居一志郡木造。稱族木造。又油小路。舊記、勢應永初年。叙從五位下。記、十年八月。任參議。兼左近衛中將。土佐權守。後至權大納言正二位。補任、記、傳、諸家譜、

國司滿雅憤皇家之違約。恚幕府。欲舉兵復統。俊康不與之通。應于北郡。大將軍義滿薦之。官爵並超宗

家。記、傳、權中納言雅世撰新續古今集。其所載南朝君臣。則後龜山帝。右大臣長親。及俊康而已矣。巡狩錄、

與仁木滿長土岐持益等。共屢伐滿雅。家傳、應永二十七年。辭官薙髮。補任、子持康。官權大納言。左衛門督

從二位。按舊記作永享十五年卒、子教親。權中納言

從二位。兼備中權守。應仁元年八月。與足利義親奔伊勢。明年薨。年四十四。補任、○舊記。子親方。叙從五位上。文明中卒。次政宗嗣。至參議。右近衛中將。永正

野史 卷八十六

元年入道。號宗成。系圖作宗盛。子俊茂。至參議。從三位。子家具。或作康。左近衛中將。從四位下。補住。無子。養國司晴具子為繼。是為具政。具政。或作具正。藩翰譜。織田家譜。並作具之。稱兵庫頭。武者物語。作居戶木城。叙從四位下。土代。木造。系圖。天文二十二年九月。因天祐病篤。請任左近衛中將。御裕殿。日記。子具康。雄利。雄利稱族。瀧川。載武臣傳。具康。或作長政。藤又長政。稱左衛門佐。居日置城。永祿十二年。弟雄利作亂。招信長兵。擊國司具教。
○木造記云。右近衛中將。兼左衛門佐具康。築戶木城。令右近衛中將具政居之。永祿十二年五月。

背國司。內應信長。事發覺。國司具教使木田親康。太田小兵部少輔來攻戰。八月。信長入伊勢。令瀧川一益兵。及龜山兵。攻藤方。具俊于小森上野城。信長入木造城。親康等收兵。又云。具政從具康。據戶木城。而退居清須。庚子亂。與具康在岐阜。及城陷出家。○按木造家系云。具政至從四位下。左近衛中將。具政子長政。初左衛門佐。後大膳亮。至從四位下。右近衛中將。兼兵庫頭。長政子具俊。左衛門佐。秀信薨而後。剃髮。寓居星川。其子長俊。
天正十二年春。信雄與秀吉有隙。殺津川義冬于清

野史 卷八十六 二十九

須。而予松島於雄利。而義冬弟黑川謙入。武衛三松。津川彌太郎等。據松島拒禦。具康攻之。獲彌太郎等首百餘級。雄利率小山戶兵。自伊賀來取松島。居之日。置大膳亮爲協守。兵亂事。松島記。木造記。蒲生氏鄉受封松島。具康據戶木城。屢侵近境。秀吉使織田信包。九鬼嘉隆。岡本重政等。步騎五萬。來圍戶木。筒井順慶。自大和入先登。松島記。信包等攻圍不克。氏鄉布令於封邑。具康數出芟禾壞田。氏鄉伺其出襲之。不利而退。九月十五日夜。具康驅兵侵曾原鄉。氏鄉聞。自率兵來戰于須瀨。士卒多死。自又傷。奮戰移刻。具康兵士

死者三十餘人。勢屈。明日。行成收城。木造記。○松島月事。致城。十八年。信雄國除而後。仕秀信于岐阜。及庚子亂起。說歸東於秀信。不聽。迄城陷。具康勵衆。竭力捍衛。傷而廢。秀信窘蹙乞降。奔高野。福島正則使人來訪。後前田利長聞具康名。聘辭曰。福島氏嘗有意。迄正則封安藝。召祿之。食二萬石。改稱大膳亮。東遷基業。武者。慶長十九年五月。東照宮召具康于廣島。乃往駿府。而歸途病死。木造記。○國史實錄云。出家。居越前。

野史卷八十六終

[Faint bleed-through text from the reverse side of the page]

野史卷八十七

文臣列傳第五

日野重光 有光

正親町三條實雅

三條西實隆

冷泉為純 為滿

日野重光。姓藤原氏。出自參議真夏。真夏八世左中
辨資業稱日野。資業十世權大納言俊光。俊光子資

飯田忠彦 修
男 文彦 訓點
竹中邦香 校

名。資朝。資朝兄弟。元弘建武之際。勤王各竭身力。資朝流于遠島。遇害。資名輔光嚴院。歸足利尊氏。立皇統于北京。終權大納言。資名子時光。時光子資康。至權大納言。從一位。是爲重光父。重光官至大納言。左衛門督。從一位。院執權。重光姉姨。並配大將軍足利義滿及義持。以外戚之權。爲院執權。依親戚之威。興隆家門。家稱裏松。國史實錄。應永二十三年十月。薨。年四十四。贈左大臣。公卿補任。子義資。官權中納言。永享六年。遇害。贈權大納言。長子重政。任右少辨。叙正五位上。卒。以幕府姻戚。贈內大臣正二位。補任。諡考記。次子勝光。

實重政子。而義資之孫也。義資取爲嗣。勝光荐歷顯職。文明八年五月。進左大臣。其家未有例。世或難焉。補任實錄。未三旬而薨。年四十八。號唯稱院。補任。大將軍義尙母。勝光之妹也。以是故勝光參決幕府事。威權赫奕。珍玩環奇。充積居室。續史畧引。子政資。官終權中納言。政資子內光。

內光。本名高光。又澄光。實德大寺實淳子也。繼政資。歷著職。至權大納言。每昵近幕府。列相伴役。足利家譜。大永七年二月。柳本宗雄發兵於丹波。入攻藥師寺。兄弟於山碕城。拔之。三好左衛門尉使其弟政長率兵。

抵山碕。與宗雄胥議。與官軍大戰于桂川。幕府移營于六條。細川道永亦出東寺。武田元忠軍于西七條。專勝寺。或作泉乘寺。又川勝寺。政長兄弟涉水與元忠戰。元忠不利。粟屋逸見等八十餘人死之。道永更率兵與赤松等赴救。內光爲道永從父弟。故俱赴戰。不利。奈良修理。及源五等戰死。內光終死焉。山城志引。時年三十九。補任。法名道榮。系圖。贈內大臣。系圖。諸子晴光。晴光。至權大納言正二位。補任。天文十六年三月。從大將軍義晴于北白河。足利家譜。二十三年十二月。坐事免。二十四年。復任。其年秋。薨。年三十八。補任。諸家譜。子晴資。

正五位上侍從。天文二十年。遇害于信濃。年十六。無嗣。晴光乃養廣橋國光子輝資爲嗣。

輝資。本名兼潔。補任。兼任保。任藏人右中辨。天正元年七月。大將軍義昭據槇島起兵。欲伐織田信長。使輝資

及高倉永相。三淵藤榮。伊勢貞爲等。守二條第。信長聞變。直前入京師。圍二條第。輝資等出降。織田家譜。織田軍記。

二年三月。信長開東大寺府庫。伐蘭奢待香木。輝資奉勅莅焉。織田家譜。明日轉左中辨。累遷權大納言正

二位。慶長十二年五月。薙髮。年五十三。法名唯心。補任。

傳。諸家子資勝。歷官至權大納言正二位。寬永七年九

月。補武家傳奏。十六年六月。薨。年六十三。補子孫相
傳。世著顯職。輝資養。花房正榮子。資榮。資榮仕幕府。
受食邑。爲高家。叙從四位下。稱伊豫守。任侍從。子孫
世仕幕府。

有光。權大納言。資名曾孫。時光孫。資教子也。資教累
官至權大納言。應永十二年十一月。叙從一位。其日
削髮。法名性光。三十二年四月。勅以削髮日。准大
臣。依下薦廣橋兼宣准大臣也。補任三十五年四月。薨。
年七十三。號快樂院。補任有光累歷顯職。至權大納
言從一位。應永三十二年。辭官薙髮。法名祐光。補任嘉

吉三年七月。南軍餘黨謀復皇統。有光陰爲之內應。
九月二十三日。夜。南兵三百餘。按南山巡狩錄附錄
作有光率兵而入犯禁闕。奪神器。事發倉卒。天皇遽幸近衛房嗣第。
大將軍義教發兵擊之。南軍奉神璽登叡山。奉小倉
皇子子空。因稱南帝。旣而山徒離畔。畠山持國率兵
圍之。空因自盡。有光亦死之。實二十五日也。巡狩錄
記傳子資親至。右大辨從二位。美作權守。與父連坐。九月
二十八日。斬于九條高倉。補任。系
圖。記傳
○按續神皇正統記系圖云。有光死係九月二十
七日。資親以二十八日被斬。

正親町三條實雅。三條家支流。權大納言公氏之後。贈內大臣公雅子也。歷任權中納言。兼左衛門督。檢非違使別當。嘉吉元年六月。陪大將軍義教。遊赤松滿祐第。會義教遇弑。實雅傷而脫走。冬任權大納言。兼太宰權帥。內膳別當。長祿元年。任內大臣。陞從一位。寬正二年。薙髮。法名常禱。應仁元年。薨。號青蓮花院。補任。系圖。諸家傳。子公綱。公治。嘉吉元年三月。公綱坐事。配近江淺井郡。居小谷莊。佐佐木持清監之。生子重政。是爲淺井氏祖。補任。若狹守護。代年數。廢城考。後公綱遇赦。還京師。歷任參議藏人頭。至權大納言。兼大宰權帥。文

補任故作

明三年。陞從一位。薨。補任。諸家傳。公治。本名公躬。歷任至權中納言。應仁元年。天皇幸室町第。公治等守禁闕。天皇召之。公治守職不參。忤旨見逐。文明十一年。遇赦還京師。明年。叙從二位。十三年。任權大納言。十月。辭之。因南都放民之故。云。明年六月。復起。改今名。叙正二位。明應四年三月。薨。年五十五。補任。系圖。諸家傳。子實興。實望。餘皆爲僧。系圖。實興歷藏人頭。右近衛中將。任參議。叙正四位上。文明十三年。薨。年二十五。子實光。居參河。依母氏。稱十田。後更戶田。子孫列武臣云。補任。戶田系圖。藩翰譜。備考系圖。實望。官內大臣。至正二位。大

永三年。往駿河出家。法名盛宣。子公兄。又至內大臣。而
出家。法名紹空。子實兄。侍從。次實福。次實教。左近
衛中將。子公久。家稱花園。官至右近衛少將。實福至
權中納言正三位。永祿中。實兄數遊甲斐。十年十二
月。忤旨。明年正月。薨。年三十二。子公仲。官至權中
納言。補任、系圖、諸家傳、三條西實隆。內大臣實繼。正親、町三條、次子權大納言公
時。孫內大臣公保。次男也。兄曰實連。至參議。兼左近
衛中將。長祿二年。十七歲而薨。實隆承其後。實隆本
名公世。又公延。長祿二年。叙從五位下。尋任侍從。明

年。兼越中權介。寬正六年。從五位上。文明元年。任左
近衛少將。是日元服。聽禁色。累遷任參議。權中納言。
延德元年。進權大納言。兼侍從。叙正二位。永正三年
二月。任內大臣。尋辭。補任、系圖、諸家傳、十二年十二月。詔
實隆。依例令列大臣上位。固辭不就。諸家傳、十三年四
月。實隆剃髮。從僧照全。刺斗受戒。號科隱。法名堯空。
著黑衣持律。八月。復受別解曉戒。持衣鉢。諸家傳、爾實錄、爾
後探名區。詣高野。作高野參詣日記。高野參詣日記、善和歌。
多才藝。以天文六年十月。薨。年八十三。其所詠和歌
一依古調。有集曰雪玉集。又抄源氏物語曰細流。實錄、

當是時。書籍猶匱。實隆自寫司馬遷史記。其精勵可
以知矣。又或號逃虛子。或號聽雪。塞驢嘶餘。其詩云。
三十年來朝市塵。扁舟歸去五湖春。平生慚愧無功
業。合對白鷗終此身。日本詩史。號遙道院。補任諸子公順家傳。
為僧。任僧正。為西堂別當。次公條。

公條。本名公保。長享二年。叙從五位下。尋任侍從。歷
藏人頭。參議。兼右近衛中將。權中納言。兼太宰權帥。
任權大納言。兼陸奧出羽按察使。天文十年。任內大
臣。明年任右大臣。十二年七月。上表辭焉。補任系圖諸家傳。
十三年二月。於二尊院披剃入道。法名仍覺。年五十

八。補任諸家傳。二十二年二月。詣吉野。有吉野詣記。詣多

武峰。其歌曰。倭加美與遠。須天天毛阿布久。美禰乃
天良。多計幾波於比乃。那美太加須加須。其詩曰。松
杉戢戢晚霞間。鳥語鯨聲寺更閑。武是元來止戈事。
談峰可諱此談山。吉野詣記。二十三年。閑居于二尊教院。
與僧良從俱巡禮叡山三塔。過雲母坂。賦詩云。檜溪
三塔是西東。扶老攀緣途不窮。靄靄雲生雲母坂。山
腰路轉有無中。拜根本中堂詠和歌云。以未曾志流。
無上正等。正覺乃。和可多都會滿。迺梨乃美知乎。
婆。三塔巡禮記。三十四年八月。詣石山寺。書石山月見記。

入世尊院。有彌留免那幾。奈伎左也以鬪已。都幾乃阿岐之聯句。又以如意輪觀世音菩薩爲折句。詠和歌十六首。又賦詩曰。月明皓皓夜沈沈。去此清光何處尋。不換三公子陵瀨。江山一覽主人心。石山月弘治元年。立春和歌曰。以津留比毛。計左多都波留乃。由幾迺宇知邇。未禮奈留登之乃。比可梨彌須良武。是歲四月。設七十賀蕤。前關白植通爲作七十賀記。賦詩謝曰。曾聞七十古來稀。雖我今年嘆。昨非偏荷聖情如老杜。香羅疊雪一官衣。稱名院右府。永祿六年十二月。薨。年七十七。號稱名院。補任系圖。公條繼

父業。才兼和漢。世稱漢學過父。國學不及之。嘗校實隆所撰源氏細流抄。稍損益之。改曰明星抄。行于世。系圖實錄

○按國史實祿載。公條曾自寫司馬遷史記全部。而懼災。甚惜之。晚年再寫。功畢。今考近藤政重右文故事。作實隆自寫史記云。姑據之記附實隆。猶當考。

聯歌者紹巴。就學和歌。公條傳以源氏物語。後紹巴受古今傳於近衛殿。公條謂彼者乞丐賓也。不可傳。公條嘗擇器幹傳其道。或時能登人伊藤某。來請學。

古今傳不聽。家司某曰。君奚爲不傳。厨料殆匱乏。公
條曰。余先窺見彼於透垣。俗體而懸久和良。是其心
不良矣。終不傳焉。戴。恩。子實枝。
實枝。本名實世。又實澄。永正九年。叙從五位下。尋任
侍從。歷藏人頭。參議。權中納言。天文十年。任權大納
言。叙正二位。補任。系圖。諸家傳。十三年六月。改名實澄。初名
實世。是以世人云。世遠須天。天須美。邇奈良類。無
幾亡夫人。入二尊院。著法衣云。言繼。元龜三年。上表
辭官。天正二年。還任。補任。諸家傳。三年三月。織田信長招
今川氏真。設蹴鞠之遊。實枝及權大納言光康。鳥丸。參

議永相。高倉。飛鳥。權大納言雅春。井。左少辨兼勝。廣治部
卿爲仲。五。庭。織田。家譜。皆會焉。是冬。兼陸奥出
羽按察使。五年十一月。拜眞。即日辭。尋兼內膳別當。
七年正月。任內大臣。尋辭。薙髮。法名豪空。或玄覺。無
幾薨。年六十九。號三光院。補任。系圖。諸家傳。祖實隆。父公條。
及實枝三世。繼家業。能和歌。雖爲三條庶流。任槐三
世。著名于世。實錄。所撰三內口訣。三內口訣。或云三光
談。子公世。侍從。次公陸。右近衛中將。並蚤卒。次公國。
累遷至權大納言。兼右近衛大將。而薨。子實條。官權
大納言。爲武家傳奏。兼中宮大夫。至右大臣從一位。

補任、系圖
諸家傳

冷泉爲純。姓藤原氏。五條三位俊成之後也。俊成家
居五條。別賜播州細河莊。在木郡。近江小野莊。坂田是
爲和歌所俸邑。適子世世竟封。俊成生定家。號冷泉。
後稱京極。任權中納言。民部卿。父子相繼善和歌。爲
世模範。定家生爲家。權大納言。兼民部卿。住嵯峨中
院。其采地也。爲家有多子。長曰爲氏。權大納言。號御
子左。其後裔稱二條家。又號冷泉。次曰爲教。左兵衛
督。號京極。次曰爲顯。侍從。次曰爲相。權中納言。號冷
泉。次曰爲守。侍從。餘皆爲僧。尊與分脈。惺窩系譜零。二條京極。

冷泉。三家鼎峙。各立門戶。正元年中。爲家作券。與細
河莊於爲氏。爾後爲氏事。父不孝。爲家悔之。文永十
年七月。十一年六月。更作券書二通。與爲相。建治元
年五月。爲家薨。爲相尙幼。爲氏乃強奪細河莊。爲相
母北杜禪尼赴鎌倉。告訴之。爲氏爲世父子。與爲相
執爭不已。史氏備考。系譜零。又訴大將軍守邦親王。執權相
模守平熙時治之。以爲相爲直。正和二年七月二十
日。賜公牒一通。細河莊終歸爲相。爲相後住鎌倉。號
藤谷。薨。葬藤谷岡。墳墓猶存。爲相生爲成。爲成任左
兵衛督。早薨。弟爲秀嗣。進權中納言。建武亂後。細河

野史 卷八十七

小野兩莊。為人所奪。為秀無由告訴。徒哀嘆耳。為秀養為邦。為子。後生子為尹。為邦為氏孫。為明之子。當騷亂之際。失其世祿。唯攜典籍家居。早歿。系譜零接分脈作出家為尹承。為秀後。為民部卿。權大納言。應永二十三年五月八日。因大將軍義持之命。細河莊復歸為尹。為尹有三子。長曰為之。左近衛中將。次曰為貞。次曰為持。為持為本名持和。生而穎悟。才過二兄。為尹太愛之。有釋氏欲乞持和為弟子者。為尹不聽。義持授諱字名持和。持和遂為伯父為邦後嗣。乃多藏奇書祕笈。襲號御子左。但以采邑不給。故為尹與細河莊號。

冷泉。今並用二條之家規者。出于此。後更名持為。至權大納言。持為生成。為大將軍義政初授成字。後賜政字。因改名政為。享德二年五月二十五日。賜舊采小野莊。任民部卿。進至權大納言。政為生為孝。侍從權中納言。為孝生為豐。侍從從三位。為純。乃為豐之子也。為純本名為房。又為能。累遷侍從從三位參議。世住播磨。歲時入朝。天正六年戊寅。別所長治襲細河莊。為純及子為勝防禦。四月朔。為純戰死。年四十八。補任系圖譜零依藤某聞急來援。則館舍燒亡。父子已歿。某悔來遲。自殺。土人感其義。合葬三人。樹松四五株。

野史 卷八十七 四十一


名曰冷泉塚。或曰依藤塚。播人追今稱之。爲純有數子。長曰爲勝。任左近衛權少將。與父死。次曰教勝。次曰肅。在儒林傳。天正六年。歷世藏書罹災。盡爲灰燼。肅告訴之。右大臣信長臣羽柴秀吉。秀吉曰。且待時運。竟不果。肅無如之何。於是齋正和二年。公牒。及殘編遺書。奉母與兄弟同走京師。次曰俊久。繼六條有孝後。改源氏。各有親。次曰爲將。任叙官位。未詳時既失邑。家人幾絕。肅子爲景。初奉仕。後水尾天皇。任圖書頭。賜號細野。取細河小野首尾字也。後光明天皇正保中。敕冷泉古有兩派。宜興復。傳旨於東

府。以爲景復。爲冷泉。任左近衛權少將。尋轉中將。賜城州愛宕郡小山村。相樂郡林村。及小寺村三所采地。數蒙顧問。侍講經筵。善詩歌及倭文。所著有白鷗文集若干卷。系譜以承應元年卒。子爲元嗣。子孫相傳。世稱之下冷泉。

爲滿。本名爲房。贈權大納言爲之玄孫。民部卿爲益子也。永祿十一年。叙爵。元龜二年。元服。聽昇殿。歷任右近衛中將。叙從四位上。天正七年。達叙旨蒙罪。慶長三年。遇赦。歷參議。至權中納言正三位。補任。系圖。諸家傳。慶長十九年三月。如駿府。謁東照宮。宮欲聽古今

和歌集祕說。會林道春夕。官語及之。曰。汝有所聞耶。
對曰。摺紳家之說。臣未之聞也。然以臣所稽察之。不
過云云耳。既而果爾。駿府政事錄、野樵七月。爲滿講古今集。
宮問爲滿曰。人麻呂事蹟何書可考。爲滿曰。人麻呂
歌仙其蹟無傳。官顧道春曰。汝所見以爲奚若。對曰。
萬葉集人麻呂者有四人。柿本爲歌仙。雖蹟不顯著。
猶散見乎諸書。未必爲無傳。娓娓言之。爲滿閉口不
言。政事錄、叢話道春歸伏見。語之松永貞德。貞德曰。否。足
下卒爾耳。人麻呂事迹。自定家而後。其傳也尙矣。是
和歌大要也。勿以儒見議之。戴恩記元和四年。任權大

納言。明年二月。薨。年六十一。補任、系圖、諸家傳六世爲久。官
權大納言。式部卿。享保十一年。江府下戶長奈良屋
安左衛門。嘗藏定家親筆長歌短歌。古今相違一帖。
是冬十二月。成島道筑告之。田沼意次。意次以聞有
德公。乃命收之。賜銀二枚於安左衛門。令還一帖於
爲久。天皇悅嘉之。有德公聞之。特賜黃金百枚于
安左衛門云。享保錄、續篇爲久製長歌反謝曰。萬保仁布
玖。米具彌乃歌勢迺。太與梨由惠。預留遍未左之幾。
和歌之字羅布彌。享保通鑑、或作二十二年十月賜之云。



野史卷八十七終



